

則巨隄不潰火不至千倍則堅鐵不柔黑夜遇賊刀不傳體則不知反而走廢理之患寒熱不沸胸肺之疾飲痰不決則不知就藥以醫故夫列國之盛衰無已也則退而調其血輪養其氣筋故弱者強亡者存亂者治而危者安矣今夫今人與古人不相謀也昔胡與列國又不相謀也列國與列國又不相謀也迺至通地球五六八九州之人與其入又各不相謀也迺至萬物之與萬物又各不相謀也然其操之若一其計之若約也其所以大小輕重繁簡趨舍之不同至其有所為則無不同是也則以此世界之公理天初之元性息息相孚胎胎相應未生而有生而互漲者也夫咸同之禍亂普法之危殆所謂驟雨暴病元氣與客氣爭勝則醫者一合藥而寒者逐燥者去此其血輪固強氣筋固未壞也其調之養之如此也今使此人失其愛國之義憂世之惻而閉疆封域彼劃我界獨行涼涼獨行踴躍不滙大局而謀之不合羣力以駛之不彼諒我想以固之不因勢利導以行之則求其濟事也難矣故事業求邁曾胡軼普法而知識操行出兒童衆人之下求其濟事未之有也故去其彼去其我其疆域天下一切獨操不忍之性必濟之誠同我一國同我天下如此而禍難不球事不濟未之有也且天下之禍難雖甚事雖急兢兢業業於當務之振興政學之更革上下一心朋友一心雖隆且篤勞且苦然天下之風氣終歸之未開天下之血誠終歸之未發天下之魄力終歸之未盡也夫球天下之大患者必有天下之大望所屬如此而天下之心有所仰而法有所感而起也此其事不必及世而觀其成往者先之來者續之而已而今天下之大望何向未有所一歸也此不可以虛爭說得也必其真有不忍之所在毅然為天下倡毅然為同僚倡破除常格而直以天見如此而此省辦事可同之彼省彼省辦事可同之此省也此氣一貫此血一流浸淫於此而及於彼以及天下如此而天下之風氣猶不開血誠猶不發愧憤猶不章則真天厭我也天之所厭無此者也有而厭之有此天乎故不得天者不可拔天下矣故救天下者視之其國矣故救國者視之其身矣其身則曾胡之身也曾胡之身則普天下與有之責也而未有其權則普天下督撫之責也而時勢所迫不免孤危則大分之普天下之土民也而於是通力以助之旋乾坤日月生死人而肉白骨起偏枯而挽廢疾其難如此抑何至此而不視之如此則普天下之憤力不積即普天下之和不積也而不知其可以旋可以回可以生可以肉可以起可以挽則普天下之望力不積即普天下之成力不積也而不得其旋之同之生之肉之起之挽之之所以起點所以成線者之聚區則普天下之望力必侵而無著即普天下之成力必渺渺而無憑也而不善其所以起點成線者之聚區不固其所以起點成線者之聚區善矣固矣而不通其所以起點成線者之聚區不同其所以起點成線者之聚區不公其所以起點成線者之聚區不大其所以起點成線者之聚區則天下之望力必始而著之繼而仍無著也則天下之成力必始而憑之終而仍無憑也則夫今之兩湖者固四方之志士仁人義夫君子所切期焉深望焉想待焉而過許焉者也以為欲存中國基於此乎欲保教種基於此乎將以此為起點成線之聚區也將求所以善之固之通之同之公之大之也將以曾胡望其長官望其士民

其進而未止且跨出無量也將由此而各省其如此也故兩湖不通何況中國中國不通則中國必亡然則與其亡而有益乎與其存而有益乎與其獨私算利卒至絕無一私絕無一利而有益乎與其同公共義卒至無所不私無所不利而有益乎故願與有通之之權者一籌之其通則如上所云其不通則如上所云矣

司農奏廣

戶部謹奏為各省釐稅狃於外銷遂至隱匿請 旨通飭切實具報以憑考核恭摺仰祈 聖鑒事本年十一月二十五日欽奉 上諭前曾諄諭各省將軍督撫嚴杜釐金中飽旋據陸續覆奏並未將釐金中飽之數和盤托出等因欽此臣等竊查各省釐金中飽弊在承辦委員不肯和盤托出各省例不應支而事非得已者輒於釐稅收數提留濟用所謂外銷者也各省院司類有案存原非自謀肥己然既有外銷之事即有匿報之款否則從何羅掘無惑乎人言藉藉命謂各省釐稅實收之數竟數倍於報部之數矣現在中飽之弊已奉 上諭飭令各該將軍督撫澈發天良認真整頓各該將軍督撫自不致仍前泄沓惟是外銷之數若不和盤托出則釐稅實收之數亦終不能和盤托出臣部總度支各省歲出歲入不合職頭露尾致臣部無可稽核即外銷款目不能驟議全裁亦宜咨報臣部權衡緩急庶幾內外一氣共濟時艱譬之各省局卡亦援院司報部辦法該將軍督撫其許之否此理之淺近者也擬請飭下各省將軍督撫一面將該省外銷各款數目向來取給於釐稅者據實奏明分別裁減一面將各該省所收百貨釐鹽釐茶釐土藥釐及常稅雜稅等項銀錢數目據實報部毋事欺飾統限奉 旨後三個月奏咨不得逾逾自光緒二十四年正月月起按季具報其從前造報不實或外銷浮糜擬乞 聖恩寬其既往並准將外銷最要之款切實聲明臣部量予留支使無窘於公用惟各省通年進出款項不得再有隱匿臣部無隔閣之慮各省免掩著之煩倘經此次通飭之後各省仍有隱匿甚或巧立名目謬稱不入數出則典守之官不能辭咎臣部亦難曲為之諒也所有擬令各省將軍督撫取數及外銷支數據實具報緣由合繕摺陳請是否有當伏乞 皇上聖鑒訓示謹奏按摺已奉 旨允准戶部於去冬封印期內趕辦咨文於臘月念八日飛咨通飭各省將軍督撫一體遵辦限於奉到 諭旨後三個月奏咨到部

總署奏定山東教案要犯罪名摺

奏為山東教案拿獲要犯分別擬定罪名恭摺仰祈 聖鑒事光緒二十三年十月十六日奉 旨曹州殺斃洋人一乘李乘衡速派司道大員馳往該處根究起釁情形務將兇盜拿獲懲辦等因欽此當由臣衙門電咨前山東撫臣李秉衡欽遵辦理旋據該前撫電稱派臬司毓賢兗沂曹濟道錫良馳往鉅野縣澈底根究嗣由該臬司等督飭該縣會同防營先後拿獲惠二啞吧等九名並緝獲贓物等情迭經照錄恭呈 御覽茲據李秉衡咨稱緣惠二啞吧即惠潮雷協身即雷繼恭張高坨即張沁濟王大脚即王莽又名王衍濟賈東洋高大青蕭盛業姜三綠張允分隸鉅野嘉祥等

張平素游蕩度日均先未為匪犯案雷協身深知鉅野縣張家莊洋教堂存有錢物起意行竊說允高大青及惠二吧吧張高妮王大脚賈東洋蕭盛業姜三綠張允並不識姓名二人於光緒二十三年十月初七日傍晚時分在鉅野縣楊家樓村外空地會齊即於是夜二更時分惠二吧吧張高妮王大脚賈東洋各攜帶尖刀高大青持棍鞭雷協身蕭盛業姜三綠張允及不識姓名二人分攜刀棍至中途蕭盛業姜三綠張允三人畏懼同逃惠二吧吧等偕抵張家莊教堂門外惠二吧吧雷協身爬牆進院開啓大門放張高妮等進院惠二吧吧用刀撬開房門未開教士能方濟韓理驚覺由窗孔開放洋槍傷不識姓名兩人隨各逃惠二吧吧因夥被傷氣忿莫遏起意行強雷協身允從惠二吧吧即與雷協身確開窗戶進屋開門放進張高妮等惠二吧吧用刀札傷教士肚腹雷協身亦用木棍抵格隨即搜劫財物分攜逃逸亦有將賊物刀棍按棄路上詎教士能方濟韓理傷重旋各殞命經教士薛田資報驗棺殮獲犯詳訊審供不諱詰無另犯別案將惠二吧吧雷協身均依例擬辦各等因臣等查惠二吧吧等夥竊德國教堂因教士能方濟等驚覺開槍傷夥犯該犯輒敢起意行強與雷協身首先拒傷教士實屬罪無可追應如該撫所擬惠二吧吧即惠潮雷協身即雷繼恭均依強盜殺人奏請審決臬示例擬斬立決至張高妮王大脚賈東洋高大青四犯供詞尚有出入應監候待質其蕭盛業姜三綠張允三犯應從重加監禁五年其在逃之馬東武朱得法兩犯應懲賞勤緝務獲歸案懲辦臣等查此案惠二吧吧雷協身兩犯首先發難因偷竊教堂殺教士二命以致釀成巨案實堪痛恨若由該撫照案奏交刑部核議再會同臣衙門具奏轉請時致令該犯幸藉顯戮殊非止辟明刑之道應由臣衙門請旨即行正法以昭炯戒至該撫所稱不能禁約為匪之犯父兄等照例提責並已獲之賊經主認領屍棺亦經教堂領葬起獲之兇刀存庫均應如該撫所咨辦理被槍傷之不識姓名二名尚未獲獲應與在逃之馬東武朱得法兩犯責令現任撫臣張汝梅一併緝拿無稍寬縱所有臣等擬定曹州教案要犯罪名緣由理合恭摺具陳伏乞 皇上聖鑒訓示遵行謹 奏

上海道告示稿

開單格式 一貨件名目與數目多寡二貨本性成色尺寸大小三形像顏色花樣四價值一零賣之價二在出賣之處發賣之價三既到日本上岸以後發賣之價五排陳期限六排陳限滿如何處置寄攞物件或退還原主或賣與本院或賣與別處通商博物院 細說格式 一出貨地方二出賣之人姓名製貨之人姓名或作廠名三製造所用材料及出料各處地方四作廠每年出貨若干五每年售賣若干六發賣之價如有折扣係何成數七商行所在地地方總行或分行或代辦行八每貨能銷各處地方九大宗買主係何人十何月需貨最多何月出貨最多十一每墩包裝價值十二自出貨地方運至橫濱或至神戶每墩運費若干十三轉運期限十四出口之稅別項費用十五國家津貼若干別項協款十六別項費用細情每張細記既與所指物件一齊排示凡寄貨者不願人人皆知之項必須註明此項不令人人

皆知細說軍內即將此項刪而不錄

黃公度廉訪批覆○簽駁醴陵縣余洗慎等一案

案據該府審解醴陵縣余洗慎等共毆劉明等身死一案人招到司本任李臬司未及審解卸事本署到任接准移交查此案前據招解到司當經核前可以情節支離引斷未協發回覆審茲據該犯審依同謀共毆人致死律擬絞細加核察仍欠允當蓋余洗慎一癡廢之人出外逃荒充當頭人謂同行難民行止來去聽其指揮事在理中即謂為主使他事猶屬近理今改為同謀共毆殊非廢疾之人思慮之所應及且以兩足成廢一手不能運動之人而與眾共毆指為下手傷重更費牽強若謂蔡雲見該犯坐在上面指揮撲向揪扭被該犯用鐵頭短杖搥傷胸腹倒地無論蔡雲被李秀洗等各舉木棍圍毆打抵排閃避無暇顧及在上指揮之人即使實而李秀洗等既為余洗慎之手下自必攔阻維護何至任其撲近余洗慎之身况人至被難出外逃荒苦已極蔡雲等以隔鄰差役憑空藉票向其詐索許給差費錢壹千五百文猶復嫌少肆意勒索無理吵鬧窮兇極惡無論何人聞之莫不共抱不平則趕攔毆實出於一時公忿何待商謀雖據稱喻迪泉往向余洗慎告知余光慎斥罵可惡重言如再不走即公同毆打斥逐等類情節恐係辦案時裝點而成即確有是語亦不過忿激之詞而各難民之舉棍齊毆未必即因此一言而動其中情節種種可疑親提該犯余洗慎悉心察訊充當難民頭人屬實蔡雲劉明之被毆殞命是否為該犯所主謀並無確供詰以蔡雲劉明究被何人毆斃據稱一時人多手雜何人致傷何處無從辨別惟在管病故之吳矮子即吳葆生與在逃之喻迪泉張九氣忿最極棍毆下數亦最多查該縣詳報吳葆生在保病故而吳矮子另係一人現尚在逃實之該犯則稱吳矮子即吳葆生實係一人業已到官在管病故此案該縣初詳原屬亂毆不知先後輕重因該犯余洗慎充當頭人既不能將正兇指出即不得以之擬抵殊不知余洗慎雖充頭人而各難民之於蔡雲等無端誣索眾忿所積圍毆致斃又豈余洗慎所能禁阻乃因罪人莫得遂取久成篤疾天下無告之窮民用抵憑空誣索玩法詐贓之役命無論語多牽強必干 部議駁即撥之情理豈可謂平况據供吳矮子即吳葆生本係一人而原詳分而為二以管故一作在逃隨意鋪張即此一端可見該縣於此案實在情形并未考究明確斷非信讞除報明 兩院并飭縣將人犯發回外合行簽飭簽到該府即便轉飭醴陵縣勒擊在逃之喻迪泉等務獲同該犯傳集見證遵照指示之處確切訊明吳矮子是否即係已故之吳葆生究定正兇詳查例案妥協議擬另招解勒毋稍延遲切切此簽仍繳

郴州開辦興算學會章程○一本會遵照二十三年奏學士奏准變通學校章程共勉為有用之學以濟時艱與算二者尤為時務階梯凡測天繪地行軍布陣制器格物之實際無不推本於此故本會專習興算之學以亟先務 二本會先從郴州開辦由紳董勸集捐款兩學公同主持並未動用官款先此聲明免致另生枝節 三本會宗旨以植人材

伸士氣為要凡入會諸君宜去虛文專求實用平居講學互相切磋勿存門戶之見慮合同志為一羣合一羣以振中國 四本會集金質合廣購圖籍延請海內通儒為師範義取兼綜實事求是與書院捐置公款不同近來善舉如上海時務報館省城校經學會衡州任學會皆藉紳士之力襄助捐款茲擬仿照其例仰 諸君樂善為心贊成斯舉於學術有厚望焉 五此會不分畛域無論生童及本省外省皆可入會惟以出捐者為定 六捐款分為二項一為購置書籍儀器之資一為延師供給之資以清眉目 七書籍儀器捐款不拘多寡量力捐輸延師供給之費則以捐至銀四十元者為準額一名每年不必另出學資捐至銀八元者為暫額一名只準一年之資有願捐至數名額或十數名額尤屬盛舉其不足八元者仍歸入書籍儀器款內 八每年陸續收捐按名登記額數發給憑票一紙年終換票其來學無無論係捐名之子弟親戚均聽自便但須於換票時向董事關說明晰填注冊內以憑照驗以免混淆 九學會暫假文昌宮為學師下榻及同學常聚并藏書藏器之所再有不敷則請井觀瀛溪祠又魚亭各公所或各家試館不妨分住 諸君志切觀摩諒無求安之見俟經費充裕再起造學堂 十書籍儀器藏公所中派會中人管理以便入會者領閱所有領書章程隨後再行公議 十一課程俟延請學師後由學師詳定 十二會內董士公舉總理分理各數名可出入款項年終由總理定期邀請會友齊集妥議應辦增減各事宜并將冊簿請會友核算是否相符以杜浮濫

學會董士

- 羅輝山 何盛林 廖樹棠
- 潘仁瑤 歐陽蕭 張繼盛
- 武慶卿 首成坡 何樹榮
- 張金聲 楊彬元 歐友鑫 公訂
- 謝功肅 何海珊 黃文炳
- 曹典球 李春山 周南
- 陳為鑑 陳為鑣 王振燮

瀏陽縣擬設致用學堂大概章程

一學堂仿照院撫鄧中丞奏請各省添設二等學堂章程定名致用學堂並參仿省城時務學堂章程以中學為本以四
 朱子小學周禮左傳公羊國策通鑑宋元通鑑明通鑑五禮通考西學為用以語言文字為主算學格致為造就人才起見期於明體達
 考諸史兵略地理記諸志為主各稱報及時務諸書為輔
 用不以詞章訓詁見長
 一學堂定章每日由教習出堂講授班分序進規模不得不宏建造房舍約須四五千串必待房舍落成始議設學向恐
 緩不濟急權擬借地辦理

一學堂須購置圖書儀器使學生習一事即有一種圖書以資考究約須一二千串作為一次動用之款

一學堂擬延中文總教習一人分教習二人以精究經史大義嫻通識時務品優學粹者充之西文教習一人以華人之
 精通西文者充之監院一人專司考察學生勤惰綜覈課程辦事二人稽查堂內事宜謹察出入兼管書籍儀器賬務
 加以廚夫司雜人每年俸薪火食約須四千餘串方足開支

一學堂擬取學生百名或八十名由堂內支給火食此外有願來聽講而年例不符者准作為附課生一體教授肄習若
 干日後由總教習擇其高才生調補外課准其住堂肄業惟月課則無論內課外課附課一體比較超等者量予獎賞
 每年約須火食獎賞一千六七百串並上俸薪二項至少須六千餘串作為常年動用之款

一擬附設師範學堂一所有年紀較大願來堂講習教法者由總教習講授法門有疑可隨時條問一律批答俟學有門
 徑由總教習會同總理人考試稟請 撫憲頒發憑照准其在鄉教授

一按照以上所擬辦法經費已屬節省之極捐辦既屬不易故擬合併城鄉六書院及算學館為創設之基大概必可敷
 用藉眾擎之力宏育才之願俟集議有成稟請 撫憲奏明立案一切考試出身俱可仿照各省成例及時務學堂章
 程辦理

一現在書院除南臺洞溪係一邑公舉算學館係振務餘款四鄉書院租息多寡不一擬按輪資之數差派學生以昭平
 允
 一國家汲汲求才首舉科舉以為之鵠則學堂之設亦萬不容緩本月十五日初次會議眾論僉同惟鄉紳不能偏及茲
 事體大必合邑從長計議酌定辦法茲擬於縣試首場後一二日為集議之期務望各大團分派一二人及各書院董
 事諸君先期齊集縣城無論如何忙迫亦勿推延是所厚望
 一此舉迹似開新實為濬發少年智慧開明先聖道法起見識時務者為俊傑此中得數英才所關即非淺鮮所擬辦法
 尚屬草創粗陳大概容俟求詳公見斯宏尚祈 匡益期於造士有神不敢妄存成見拳拳在是企予望之

本月二十六日日用各物時價表

物名	每	實	價值	比較
銀	兩湖平		一千三百零八文	加十文
銀圓	圓	七錢五分湖平	八百八十七文	加五文
錢票	千文		七錢六分七厘	減三厘
上白米	石		一千五百五十五	
次白米	石		一千五百五十二	
	石		二千九百文	

中米	石	一百五十	二千八百文
穀	石	一百二十四	一千四百文
灰麩	百		三千六百文
洋麩	包		二兩六錢
安化茶	包		五十六文
淮鹽	百		七兩三錢
茶油	百		七兩六錢
茶油	百		一兩九錢
洋油	箱	五十	一百二十文
牛油燭	箱		一百零四文
豬肉	斤		一百二十二文
羊肉	斤		一百二十八文
雞	斤		八十八文
鴨	斤		三十六文
鮮魚	斤		三十六文
塊煤	百		三百六十文
烟煤	百		三百二十文
柴煤	百		二十二文
木炭	百		一千文

譯印中西文地圖股票出售

此圖係新化鄒沅帆大令在外洋購求各種西文精圖在湘設局詳細繪繪共六百六十七幅險要扼塞莫不詳載定價八十一元如購股票者只收回紙印費五十元先收二十五元第一次交亞洲北圖百幅應續收股洋二十元第二次出內地直省圖二百六十幅再收股洋五元第三次出亞歐美阿澳各圖二百零七幅約兩年告成現於夫秋遊日本用爛銅法鑄印已將第一次圖印出精工異常如欲購者請至本館面定可也

本館告白

本館現開設省城小東街每日出報一張每張可裁作四葉集訂成書零售取錢五文每月取錢壹百叁拾文十五日出報起無論官紳士商均送報半月不取報費半月以後有願閱者請知會送報人掛號註明姓氏居址以便逐日送報按月收費

商務平論

或問於涂儒醫曰中國土貨出口絲茶向為大宗邇來茶有印度錫蘭日本之爭絲有日本意大利法蘭西之產業此者動虞虧折而洋貨之入口轉多進出相衡中國受虧甚鉅將何策以禦之曰人知西人以槍砲船械戰中國不知其以商務戰中國不啻伏而聽其騰其自白門定約五口洞開相率借來租界林立口岸愈關出貨似亦愈多關稅足以裕國人民賴以養生乃通商六十年來土項之歲產如故民生之困苦如故度支之空匱如故加以岬端時起動受欺凌戰固耗財和亦債款西人以通商為富強之本務而中國曾不得數歲之安獲尺寸之利素車服賈持牙籌而權子母者不敢冀倍稱之息且備其慷慨虞朝素封而暮寒乞市面凋敝至斯已極其積漸以然蓋亦求其受病之故矣經商之道莫便於公司莫急於製造公司者羣財羣力羣心惟羣也惟資本則不受市儈之擠壓一事權則不畏同幫之牽掣萃千百人之心思耳目以營一事則不患思慮之不周不慮卑庸居奇而西商能開議停市阜康以敗後茶停帶而政府以權術燬燬茶價稍轉此公司之明效也次之莫要於製造製造之術工省為上外洋於富國之學講求極精茶則自斂葉而烘葉而滾葉而揀葉而裝箱悉用機器代人力輕費併工茶品精潔絲則有配蠶驗種避瘟諸法其線絲亦以機器外洋之出產日盛足以抵華貨之銷路洋價低則華價不能獨增洋產精則華貨因之減色此機器之大驗也中國之為商也不然孤其智單其力私其利詐其情不知通力合作不肯改絃更張而欲以散商敵頑賈低貨求善價坐令絲茶折閱年甚一年失此大利惶惶束手僅恃諸色雜貨與之頡頏恐中國銀錢之洩於尾閭者且如下添之不復反也聞者按稽關冊進出兩衡中國歲虧二三千萬不等尚不與製遺廣豎公司講求專門之學仿造洋貨以敵之而民間之喜用洋貨日甚一日中國之出口土貨日減一日農學不精故出產不旺不敵入則商本日虧商者國家之元氣課稅所從出百姓之勞庫日用所取資循此不變不至精髓盡供賤削枯槁柴立不止其故由於商情大渙商權大薄其實由於學校不立民智不開故如駭如癡坐視他人之敲筋削骨而茫然無視西人以爲得計浸假而請內地通商矣請仿造土貨矣請內河行輪矣皆商務不振之過也過此以往吾見精華竭而土地墮之崩裂土地裂而人民皆其奴隸禍機之伏吾烏測所屆耶處今日而籌補救之方雖使隸首布算倚頓主計不能操十全之券雖然有緩急二辦法在急辦則廣公司也與製造也人之所共知也緩辦則設商務學堂也開商務學會也講均利均勢之法求赴機應變之方二者相輔視爲專家然選派